

Mukanda ya Bana ya Mfumu

Lusadisu na Mambu ke Tadila Santé ya Mbote

Santé ya Mbote + Ndinga ya Nzambi + Kutanga

**Yesu Zola Mono-
Keti Bo Zaba?**



*“Bo ta vanda bana na mono, Mfumu ke tubaka, na lumbu yina, ntangu mono ta vukisa ba-bijoux yonso na mono.”
Malashi 3:17*

**Ministères Médicaux pour les Enfants
P.O. Box 3382
Crofton, MD 21114 U.S.A.**

Col. Bill Collins, Fondateur

Distribue par:
Ministères pour Chaque Enfant
mamalorella@yahoo.com

Every Child Ministries
For the forgotten children of Africa
P.O. Box 810
Hebron, IN 46341



1. Kudia madia ya mutindu na mutindu.

Kulonguka mosi ya baverse yai ya Bible

- a. Yoane 6:51(Yesu nde,) Mono kele mampa yina ke pesaka moyo; mono me katukaka na zulu. Kana muntu kudia mampa yai, yandi ta zinga mvula na mvula.
- b. Bisalu 14:17b (Nzambi) Yandi ke pasaka beno madidi; yo ke pesaka beno kiese mingi.



Kudia madia ya mutindu na mutindu.

2. Sukula meno na nima nge kudia.

Longuka kutuba verse yai ya Bible.

Bankunga 51:9 Katula masumu na mono, ebuna ntima na mono ta vanda mpembe; yobisa mono, mpidina mono ta kuma mpembe mpenza.




Sukula meno na nima nge kudia.

3. Yobila nitu yonso konso lumbu.

Longuka kutuba verse yai ya Bible:

Kusonga 1:5b “Yesu Kristo ke zolaka beto, menga na yandi me katulaka beto na masumu na beto.”



Yobila nitu yonso konso lumbu.

4. Kunwa kaka masa ya kitoko.

Longuka kutuba verse yai ya Bible.

Yoane 4:14b

"Yesu nde...masa yina ya mono ta pesa yandi yo
ta kituka nto ya masa na kati ya ntima na yandi,
yo ta pesaka yandi moyo ya mvula na mvula."



Kunwa kaka masa ya kitoko.

5. Yobisa maboko na nwtala nge kudia.

Kulonguka mosi ya baverse yai ya Bible.

- a. 1 Yoane 1:9 "Kansi kana beto ndima masumu na beto, beto lenda tula ntima nde Nzambi ta sala beto mambu ya mbote; yandi ta lolula beto, yandi mpi ta sukula beto sambu na kukatula mambu na beto yonso ya mbi."
- b. Bankunga 26:6-7 " Mfumu, mono ke sukula maboko na mono na kusonga nde mono ke na mambu ve; mono ke samba nge...Mono ke yimba nkunga ya kupesa nge mersi, mono ke songa mambu ya kuyituka ya nge salaka."



Yobisa maboko na nwtala nge kudia.

6. Nena to suba kaka na kati ya wese

Longuka kutuba verse yai ya Bible:

Filipi 4:19 " Nzambi na beto ta pesa beno bima yonso ya beno ke na yo mfunu, bonso kele kimvwama na yandi ya nene yina ya yandi ke na yo na Yesu Kristo."



Nena to suba na kati ya wese kaka.

**7. Lwata bazapatu sambu banyoka lenda kota
makulu na nge ve.**

Longuka kutuba verse yai ya Bible:

Roma 10:15b "Kiese mingi na kumona bantu yina
ke kwisaka kunatila beto Nsangu ya Mbote!"



Lwata bazapatu sambu banyoka
lenda kota makula na nge ve.

**8. Kulala ve na sika ya mupepe
ya madidi kele kutambula.**

Longuka kutuba verse yai ya Bible:

Bankunga 4:9 "Kana mono lala, mpongi ke simbaka
mono mbote-mbote, sambu nge mosi Mfumu ke talaka
mono mpenza."



Kulala ve na sika ya mupepe
ya madidi kele kutambula.

9. Kukuma penepene ya bamalade ve, ebuna nge ta baka ve maladi na bo.

Yai kele mambu ya lenda sadisa nde bamaladie kutambula mingi ve:

- _ Fika munoko kana nge kosula.
- _ Kunwa ve na dikopa ya muntu ya nkaka.
- _ Kutula ve maboko to bima ya mvindu penepene na munoko to meso.

Longuka kutuba verse yai ya Bible:

Yakobo 4:7, "Yo yina beno lemfuka na Nzambi; beno vanda bambeni ya Satana, ebuna yandi ta tina beno, yandi ta kwenda ntama.



Kukuma penepene na bamalade ve,
Ebuna nge ta baka ve maladi na bo.

10. Baka bamankwele (vaccination) sambu nitu na nge lend buya bamaladi.

Sonika date nge bakaka mangwele sambu na kunwanisa bamaladi yai:

- | | |
|---------------------------|---|
| 1. Mabobo | 5. Diphtérie, Tétanus |
| 2. Fièvre ya Jaune | 6. Kintuntu |
| 3. Choléra | 7. Polio |
| 4. Fièvre Typhoïde | 8. Kutesa sambu na maladi ya ntulu |

Kulonguka mosi ya baverse yai ya Bible:

- a. Matayo 4:23 “Yesu...vandaka kwenda kubelula bantu yina vandaka na maladi to mpasi ya mutindu na mutindu.”
- b. 1 Korinto 6:9 “Nzambi me pesaka beno Mpeve na yandi yina ke zingaka na kati na beno. Ebuna, keti beno zaba ve nde nitu na beno kele nzo ya Mpeve-Santu? Beno nitu na beno mosi ve, kansi beno kele bantu ya Nzambi.”



Baka bamankwele (vaccination) sambu
nitu na nge to buya bamaladi.

11. Kana nge kusola, fika munoko na lele sambu bamikrobi na nge kukwenda ve na bantu ya nkaka kupesa bo maladi.

Kulonguka verse yai ya Bible:

Yoane 15:12 “Nsiku ya mono ke pesa beno, yo yai, nde beno kuzolana beno na beno, kiteso mosi bonso mono me zola beno.”



Kana nge kusola, fika munoko na lele
sambu bamikrobi na nge kukwenda ve na
bantu ya nkaka kupesa bo maladi.

12. Sadila lutu ti dikopa ya nge mosi kaka.

Keba! Bamaladi mingi ke kotaka na nzila ya munoko ya muntu.

Kulonguka verse yai ya Bible:

Luka 6:31, “Kiteso mosi bonso nge zola bantu kusadila nge, mbote nge kusala na bo kaka mutindu yina.”



Sadila lutu ti dikopa ya nge mosi kaka.

Sambu Nzambi me lutaka kuzola bantu yonso (yai ke songa mono ti nge). Ebuna Yandi pesaka Mwana mosi vina kele na Yandi, sambu konso muntu yina kwikila na Yandi, yandi kufwa ve, kansi yandi kuvanda na moyo ya mvula na mvula
Yoane 3:16



NZAMBI ZOLA MONO

Bana yonso kele bankwa masumu (bo me sala mbi). Beto kele na mfunu ya lusadisu ya Nzambi, "sambu lufutu ya masumu kele lufwa" (beto ta kabana ti Nzambi).
Romains 6:23



KANSI MONO ME SALA MBI

Vanda na mawa ve! Romains 5:8-9 ke songa beto, "Kansi Nzambi ke songa luzolo na Yandi sambu na beto mutindu yai: Ntangu beto vandaka kaka bankwa-masumu, Kristo fwaka sambu na beto." Beto lenda guuka na menga ya Yesu Kristo, ebuna ndola ya masumu ta bwila beto ve.



YESU FWAKA YE TELE-MAKA SAMBU NA MONO

Samba Nzambi. Solula ti Yandi. Lomba Yandi kukota na moyo na nge. Yandi lenda lolula mbi yonso ya nge me sala.
Yoane 1:9 Kituka mwana ya Nzambi bubuyai!
Ephesiens 2:8-9
Yoane 1:12



NDIMA LUZOLO NA YANDI TI YAMBA MPEVE NA YANDI

Samba Nzambi mutindu yai: Tata Nzambi. Mono ndima nde mono me sala mbi na meso na nge. Mono zola kubaka moyo ya mpa. Moyo ya kitoko. Mono yamba Yesu Kristo. makabu ya luzolo na nge, na kati ya ntima ti moyo na mono, bonso Ngulusi na mono. Matondo Nzambi, sambu Yesu me kota moyo na mono sesepiyai, ti Mpeve na Yandi me kota na mono. Na zina ya Yesu. Amen.

Mbote batata, bamama, ti bana,

Bible ikele mukanda ya Nzambi. Nzambi ya gangaka bima yonso ti nge mpe (Bankunga 24), Yandi mosi pesaka bangindu ti bandinga na yo. Inki mutindu Nzambi pesaka bandinga na yo? Mpeve na Yandi bendaka bantu ya nkaka kusonika bandinga ya Yandi songaka bo, bandinga ya ke songa mpila Yandi kele ti mpila Yandi kele kusala na kati ya bantu ya ntoto. Yandi pesaka beto Bible sambu beto lenda kuzaba Yandi ti kuzaba mwana na Yandi Yesu Kristo. Yandi tindaka Yesu na ntoto na beto (beto ke bambuka mambu yina na fete ya Noel).

Yesu ikele makabu ya Nzambi me pesa beto, Ngulusi na beto. Beto sala masumu to mbi, ebuna Nzambi fweti pesa beto ndola. Kansi, Yesu bakaka ndola ti lufwa na sika na beto, ntangu Yandi pesaka moyo na Yandi sambu na beto, ntangu Yandi kufwaka na zulu ya kulunisi. Bilumbu tatu na nima, Nzambi tedimisaka Yandi na lufwa! (Beto ke bambuka mambu yina na fete ya Paki.) Yesu vutukaka na Tata na Yandi na zulu sambu na kuzinga kuna ti Yandi ya mvula na mvula.

Nzambi zola nge kuvanda na moyo ya mvula na mvula. Yandi zola nge kuzinga sikamosi ti Yandi na zulu ya mvula na mvula. Moyoyo yai, moyo ya mvula na mvula ti Yesu, yo lenda yantika sambu na nge sesepiyai--awa na nsi ntoto! (Yoane 5:24) Kaka nge fweti kwikila na Yesu na ntima na nge yonso. Kwikila nde Yandi kele Mwana-Nzambi, vutula Yandi matondo sambu na mpila Yandi bakaka ndola ya masumu yonso ya nge. Lomba Yandi kukwisa kukota na moyo na nge sesepiyai. Yandi ta tinda Mpeve na Yandi na nge. (Malongi yai kele kumonika na bafoto yantika na zulu, tii kwenda na nsi.) Kukungi ve. Nge lenda yamba Yesu bubuyai!

Beto tinda luzolo ti lombilu na beto na nge,

Banduku na nge na Ministeres Medicaux pour les Enfants

Ndeke yai ke songa nde Mpeve ya Nzambi me kwisa kuzinga na nge. Ntangu yai, mono zaba nde mono kele mwana ya Nzambi. Galatie 3:26 Mono me butuka ya mpa. Yoane 3:3 Mpeve ya Nzambi me kwisa bonso makabu ya Nzambi me pesa, sambu na kuzinga na moyo na mono. "Mono ta pesa Tata, ebuna Yandi ta tindila beno nsadisi ya nkaka, yina ta vanda ti beno ya mvula na mvula.
Yoane 14:6, **MPEVE YA NZAMBI NA KATI NA MONO!**



Ebuna... Yela na Kikristo. Inki mutindu? Samba Nzambi, Tanga Bible, ti songa bantu ya nkaka inki yo kele kutuba. Diaka, songa bantu ya nkaka nsangu ya Yesu.

Bingana 20:11 "Mwana ke songaka nde yandi kele nani na mambu ya yandi ke salaka."

Zina _____

	Mposo ya Ntete							Mposo ya Zole							Mposo ya Tatu							Mposo ya Iya						
	D	L	M	J	V	S		D	L	M	J	V	S		D	L	M	J	V	S		D	L	M	J	V	S	
1. Kudia madia ya mutindu na mutindu.																										Yoane 6:51 to Bisalu 14:17b		
2. Sukula meno na nima nge kudia.																										Bankunga 51:10		
3. Yobila nitu yonso konso lumbu.																										Kusonga 1:5b		
4. Kurwa kaka masa ya kitoko.																										Yoane 4:14b		
5. Yobisa maboko na ntwala nge kudia.																										1 Yoane 1:9		
6. Nena to suba na kati ya wese kaka.																										to Bankunga 26:6-7 Filipe 4:19		
7. Lwata zapatu sambu banyoka kota makulu na nge ve.																										Roma 10:15		
8. Kulala ve na sika ya mupepe kele kutambula.																										Bankunga 4:8		
9. Kukuma penepene na bamalade ve, ebuna nge ta baka ve maladi na bo.																										Yakobo 4:7		
10. Baka mankwele sambu nitu na nge kubuya bamaladi.																										Matayo 4:23 1Korinto 6:19		

Mabobo _____	Cholera _____	Diphthérie/Tétanus _____	Polio _____
Fièvre Jaune _____	Typhoïde _____	Kintuntu _____	Kufesa _____
			maladi ya ntulu _____

Fika munoko kana nge kosula.

Kurwa ve na dikopa ya muntu ya nkaka.

Kutula misapi penepene na munoko to meso ve.

Keti nge lenda vanda mwana ya Nzambi mvu ya mvu? Ee. Yoane 3:16
Sambu Nzambi me lutaka kuzola bantu yonso, ebuna yandi pesaka bo mwana mosi yina kele na yandi, sambu konso muntu yina kwikila yandi, yandi kufwa ve, kansi yandi kuvanda na moyo ya mvulu na mvula.